



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 216. Quænam sint motiva contra hæc peccata temeritatis.

urn:nbn:de:hbz:466:1-42561

1187

§. 12. Si temerè judicem malum grave de homine, quem non nosco, nec dignoscam posthac, non est mortale, quia talis ignotus non potest notabiliter ægre ferre meum judicium, uti homo larvatus, quē nō possum noscere, notabiliter ægre non feret, quamvis judicē esse malū, Mol. Lugo n. 26. Nec refert, quod graviter peccarem, si talem, quamvis ignotū, graviter percuterē, Nam percussio graviter afficit ipsū, prout est hic homo, qui tangitur, quāvis enim nō noscam, tamē illi graviter male facio: è contrā si lædas famā ipsius, non lædis ipsum, prout est particularis hic homo, quia nō cognoscis eū ut talem, sed lædis ipsum sub ratione comuni hominis, cum quo stat, quod adhuc bene sentias de ipso, prout est particularis hic homo, v. g. de Titio larvā induito temerè judicas, quod sit impudicus grassator, & tamen de eodem Titio scis, & interrogatus dices non esse talem, ergo Titius non potest de illo judicio tuo temerario esse graviter invitus.

1188

§. 13. Tenendum est cum communi contra Mol. D. 13. n. 1, quod judiciū temerarium specie distinguitur à detractione, uti satis probat communis sensus & praxis Fidelium, qui in Confessione se de his seorsim accusant; & rationem dat Lugo n. 33, quia per judicium temerarium non aufertur fama radicalis sive notitia habitualis de bono alterius, sed solū fama formalis, id est, assensus talis notitiae, qui enim temerè judicat, sufficienter advertit temeritatem, ergo non tollit radicem bonæ existimationis, sed hanc per se ipsum recuperare potest: è contrā per detractionem tollitur utraque fama apud audientem, ita ut non redeat bona existimatio, nisi ab extrinseco melius informetur.

1189

Q. 216. Quenam sint mativa contra hæc peccata temeritatis. R. Decem eorum suggerit & fusè explicat

Lan-

Lancicius Opusc. 19. sunt autem hæc, 1. Vindicta Dei, quia temerarius involat in Jus Dei, cuius solius est nōsse & judicare de internis, nos verò argui-mus & condemnamus, antequam id Deus fecerit. 2. Injuria in Christum, qui solus est constitutus Ju-dex vivorum & mortuorum. 3. Exemplum Christi, qui licet Judex & omniscius, cautissimè processit; imò se excusavit, ne judicium ferret, ubi opus non erat. 4. Status rerum humanarum, quia nihil est, etiam sanctissimum, imò nec opera Dei sunt talia, quin possint in malam partem explicari, irratio-nabile autem est & iniquum sic detorquere. 5. Ignorantia nostra, quia (ut ait S. Aug. Lib. 3. Confes. c. 9.) *Multa facta, quæ hominibus improbanda videren-tur, testimonio tuo approbata sunt, & multa laudata ab hominibus, te teste dannantur, cum sæpe se aliter habet species facti, & aliter facientis animus atque articulus occulti temporis.* 6. Multiplex malitia hujus peccati, est enim contra Charitatem & Justitiam, procedit ex levitate animi, superbia, irreverentia erga Deum & homines. 7. Occulta & justa Dei dispositio, qui per defectus sæpe celat suorum Sanctorum virtu-tes, ad eos in humilitate continendos aut reipsa humiliandos. 8. Viri sancti studiosè quandoque faciunt talia exteriùs, quæ videantur reprehensi-bilia, eo fine, ut non habeantur sancti, sed ut con-tenanantur, iniquum autem est ideo velle eos cen-sere improbos. 9. In nobis plura mala videre pos-sumus & debemus. 10. Placet Deo, si omnia in bo-nam partem interpretemur, estque hoc opus plu-rium virtutum.

Quid illi sit faciendum, qui scrupulosè vexatur judiciis temerariis, diximus Lib. 1. n. 552, quibus adde, quod ejusmodi homines vix unquam habe-ant judicia, quamvis se habere putent, sed sunc
meræ

meræ apprehensiones violentæ & impressiones phantasiæ , ita fortes, ut videantur esse assensus , cùm tamen nequidem sint suspiciones voluntariæ.

D U B I U M . 11.

Quid sit & quām grave peccatum Detractio.

1190 » *R* Eſp. Detractio est alienæ famæ injusta violatio vel denigratio. Differt à Contumelia , quæ est injusta honoris diminutio , 1. Objecto ; quia contumeliâ honor, detractione autem fama læditur, quæ est opinio , seu existimatio de alterius excellentia; honor autem est testimonio alienæ excellentiæ animo conceptæ. 2. Differt modo , quia contumelia instar rapinæ fit apertè , contra præsentem ; detractio ut plurimum instar furti occultè , & contra absentem. Unde licet contumelia detractione gravior sit, est tamen detractio peccatum mortale ex genere suo ; et si ex parvitate materiæ, aut indeliberatione , fieri possit veniale. Ratio, quia est gravius furto, quod est mortale , cùm lædat Proximi famam, quæ est majus bonum, quām opes.

» Detractio alia est directa & formalis , quæ fit ex intentione famam lædendi : alia indirecta , & materialis tantum , quæ fit ex levitate & loquacitate aliqua. *Ex dictis resolves:*

» I. Regulariter non est mortale , (et si per accidentem , ratione damni sequentis , tale esse possit) revelare naturales defectus animi , corporis , vel naturalium , quia tales non sunt morales ; nec infamia apud prudentes reputatur, quod quis , v. g. sit stupidus , spurius , luscus. *Bonac. Tom. 2. de Restitut. in particulari. D. 2. Q. 4. P. 2. N. 8.*

» II. Plerūque etiam levis detractio habetur, si alium infames generalibus nominibus peccatorum mortalium , v. g. esse iracundū , superbū , &c.

(et si